

方以類聚

便毒

腿胫兩處起爲便毒俗呼也。言於不便處患之。兩髀尖下大道前小道後成懸癰。大道穀道。小道水道也。皆虛極患此癰。近穀道左右亦名痔癰。宜急補脾臟。及癰處貼藥。卽用癰穴散。破後用抽膿膏。膿盡用合口散。過冬卽成冷漏。難治。便毒生於小腹下兩腿合縫間。初癰寒熱交作。腿間腫起疼痛是也。腎爲作強之官。所藏者精與智也。男女大慾不能宜。遂敗精搏。

血。留聚經隧。乃結爲便毒矣。切不可用寒涼之藥。恐
氣血愈滯。惟當開鬱散氣。清利熱毒。使精血宣暢。自
然可愈。孫氏謂野合不潔。淫妓便搆此疾。或疔瘡。或
楊梅者。亦由慾火熾盛。一旦交合不潔。爲淫火衝動。
膚腠開通。是以受毒。初發之時。慎不宜敗毒之藥。瀉
之。毒邪非虛不入。若復虛胃氣。則毒邪下陷。治之非
彌年累月不愈。捷法只宜發汗。其次利小便。膚腠所
感之邪。汗易散也。陰莖腿縫。皆肝經絡。肝腎主下焦。

又肝主小便。使毒邪從小便中出。所治皆順也。若曾
發汗利小便。體厚邪固而不得宣通者。乃以破毒活
血調氣之劑攻之。使毒氣宣通。遂以補劑托之。亦不
失先後著也。薛新甫謂便癰屬厥陰肝經。內熱外寒。
或勞倦過度。或房慾不節。或慾心不遂。或強固其精。
或肝經濕熱。內熱外寒者。雙解散。勞倦過度者。補中
湯。房慾不節者。六味丸。慾心不遂者。先以五苓散加
大黃疎其精滯。後以地黃丸補其肝腎。強固其精。或

濕熱壅滯者。以龍膽瀉肝湯。疎肝導滯。夫便癰。血疔也。屬肝經之絡脉。衝任督脉之隧道。故婦人患此。多在兩拗腫痛。或腹中結塊。小便澀滯。若槩用大黃等劑。以求內消。或令膿從便下。損其氣血。俗云。一石米瘡。不慎起居飲食者。爲不治。

○便毒初起。極力提起。令有聲。以鐵稱錘。摩壓一夜。可散。

○胡荽七箇。燒研酒服。不過三服。見效。

○經驗用胡荽三枚夾銅錢一箇食之

○葱白炒熟布包熨數次乃用傳藥可消

○水麩用葱根和蜜搗傳以紙密護外服通氣藥

○肥皁搗爛傳

○芫根搗水服以查傳之得下可消

○黃脚蜈蚣一條瓦焙存性爲末酒調服取汗可散

○冬葵子末酒服二錢

○大黑蜘蛛一枚研爛熟酒一椀攪服隨左右側卧

取利不退再進

○水膠溶化塗之

○黃瓜萋一箇黃連五錢水煎連服

○便毒足厥陰濕氣因疲勞而發取射干三寸與生薑同煎食前服利三兩行有效

○橫痃便毒鷄子一箇開孔入紅娘子六箇紙包煨熟去紅娘子食鷄子以酒下小便淋瀝出膿血可愈

- 便毒腫痛阜角炒焦水粉炒等分研末以麩酢調攤貼患處頻以水潤之一方用豬牙阜角七片煨黃去皮弦出火毒爲末空心溫酒服五錢
- 直指用魚鰾膠麩湯或酢煮軟乘麩研爛貼之
- 戴氏用石首膠一兩燒存性研末酒服以石菖蒲生研盒之
- 阜角子七箇研末水服一方照年歲吞之
- 便毒癰疽阜角一條酢熬膏傳

○一枝箭搗爛塗毒大甚者洗淨以生白酒煎服得微汗愈

○初起用射干二寸生薑指大搗細取順流水煎微沸服之以瀉爲度紫花者是紅花者非

○已結成膿者大黃半兩枳實厚朴各三錢甘草節一錢連翹半兩菴仁泥二十一枚分三次薑三片水煎服

○四神散治便毒初起寒熱欲成癰疽大黃木鼈子

殭蠶貝母各二錢半酒水各一鍾煎一鍾食前熱服得汗下爲效

○雙解散治便毒內蘊熱氣外挾寒邪精血交滯腫結疼痛川大黃三錢滓瀉牽牛白芍藥菴仁去皮尖各二錢辣桂甘草各一錢水二鍾薑五片煎一鍾食前服

○防風通聖散治瘡瘍便毒瀉去芒消大黃能解暑月熱毒氣通身頭面急瘡芍藥焙芒消滑石煅川

芎大黃煨桔梗石膏煨荆芥麻黃各四分半山梔
白朮連翹當歸薄荷甘草防風黃芩焙各八分水
二鍾煎八分服非表裏俱實大小便秘者恐不可
用宜審之合益元散名雙解散

○蘇方散治長壽木鱉肉當歸尾芍藥白芷粉甘草
川芎射干忍冬卽金銀花大黃沒藥蘇木穿山甲
煨火燬各六分木酒各一錢煎一錢食前服

○瓜蒞散治便癱等惡瘡瓜蒞一枚金銀花牛蒡子

炒各三錢生薑甘草各半兩不犯銅鐵器搥碎用酒一大升煎數沸空心溫服

○退毒散治便毒腫結穿山甲蘸酢炙焦五錢木豬腰子酢微炙二錢共爲末每服二錢食前老酒調下次以酢煮肥皂研膏服木豬腰子卽木豬苓

○立消散消便毒癰腫全蝨炒核去殼肉用隔膜炒等分爲末空心酒調下三錢下午再服三日可愈

○止痛妙絕飲治便毒腫硬不消不潰疼痛無已人
覆大黃各五錢酒水各一鍾煎一鍾入乳香沒藥
各一錢空心食前服

○三物湯治便癰牡蠣大黃山梔子各等分爲末以
酒水一大盞煎七分露一宿空心溫服

○消毒五聖湯治便毒腫疼五靈脂白殭蠶鬱金貝
母大黃各三錢酒水各半盞煎服連進三貼

○東垣青皮湯治便毒青皮防風當歸身甘草稍生

各等分水一小碗煎八分去渣大温服空心日三
進

便壽

囊癰

屬肝腎二經陰虛濕熱下注也。有作膿者。此濁氣潤下。將流入滲道。因陰道虧。水道不利而然。薛新甫謂小便滯滯者。先分利以泄其毒。繼補陰以令其自消。若濕熱退而仍腫痛。宜補陰托裏以速其膿。膿熾而便秘者。熱毒壅閉也。先用托裏消毒散。後以針泄之。膿去而腫痛不減者。熱毒未解也。清肝養榮湯。口乾而小便數者。腎經虛熱也。六味丸內熱晡熱者。肝經

囊經
血虛也。四物加茯苓。體倦食少者。脾氣虛熱也。補中益氣。膿清者。氣血俱虛也。十全。

○石灰散治腎漏陰囊先腫後穿破出黃水瘡如魚口用五倍子同石灰炒黃色去灰攤地出火毒砂盆內研細末不犯銅鉄乾摻五七次

○加味瀉肝湯治肝經濕熱不利陰囊腫痛或潰爛皮脫學丸懸挂或便毒及下疳腫痛龍膽草酒拌炒當歸尾車前子炒澤瀉生地黃芍藥炒黃連炒

黃檗酒拌炒知母酒拌炒防風各一錢甘草稍五
分水二鍾煎八分食前服外敷烏金散

○加味小柴胡湯治囊癰腐爛或飲食少思日晡發
熱柴胡人蔞黃芩炒川芎白朮炒黃芪鹽水浸炒
當歸酒洗黃檗酒拌炒知母酒拌炒甘草各一錢
半夏五分水二鍾煎八分食前服痛甚加黃連小
便不利加木通

陰瘡

陰器屬肝經任脉之會。又屬督脉。至於足太陽外合。清水內屬膀胱而通水道。手太陽外合淮水。內屬小腸而水道出焉。則又屬手足太陽也。腎主水。則又屬足少陰也。肺調水道。下輸膀胱。則又屬手太陰也。素問謂前陰者宗筋之所聚。太陰陽明之所合。則又屬脾與胃矣。瘡生其間。須細求責之。不可專主一肝經爲事。隱處瘙痒。成瘡。挾有耳鳴目痒。鼻赤齒浮。指縫

白諸證爲腎藏風瘡。生於陰頭爲陰頭癰。生於竅口。爲下疳瘡。今以但生於陰莖者皆爲下疳。姑從之。戴院使謂癩風。因精未調。外爲風濕所襲。從陰囊濕汗作癢起。流注四肢。手又白色。悉生瘡瘍。俗謂之腎臟風。薛新甫謂下疳瘡屬肝經濕熱。下注。或陰虛火燥。治法。腫痛發熱者。血虛而有熱也。四物加柴胡。山梔。腫痛寒熱者。肝經濕熱也。小柴胡加龍膽黃連。腫痛便澀者。濕熱壅滯也。龍膽瀉肝湯。腫痛腐潰者。氣血

虛而有火也。八物加山梔柴胡。日晡熱甚者。陰血虛而有熱也。小柴胡加茯苓歸日晡倦怠者。陽氣虛而下陷也。補中益氣久不愈而發寒熱者。腎水不能生肝木也。六味丸若筋縮縱。或爲痒痛。或出白津。此筋疝也。龍膽瀉肝氣虛者。補中加炒山梔炒龍膽。陰虛火燥者。六味莖中痒出白津。補中與清心蓮子飲。間服。蓋此證肝經陰虛爲本。腫痛寒熱諸爲標。須六味以生肝血。凡脾土虛不能生金水。而見一切肝證。

者。佐以補中加麥門。滋其化源。丹溪謂男子耻瘡。或痛在莖之竅。或痛在莖之標。皆手足太陽不利。熱毒下傳。入於足厥陰。故變紫黑色。作蝕瘡。宜以子和瀉水丸散。導濕毒。若已成瘡。先泄其根。次治其外。以葱白黑豆汁。溲洗拭乾。以黃連木香蜜陀僧乾胭脂細末。搽之。如內潰膿不出。以追膿散上之。又用泄水丸。婦人陰瘡。運氣屬寒。經謂太陽之勝。陰中乃瘍。隱曲不利。治以苦蕪。仲景謂少陰脉滑而數者。陰中即瘡。

陰中蝕爛者。狼牙湯洗之。

○男子陰瘡有二種一陰蝕作白膿出一生熱瘡用黃檗黃芩等分煎湯洗仍以黃檗黃連作末傅一方黃檗煎湯洗塗白蜜

○因不忌月事行房陰物潰爛用室女血衲瓦上燒存性研末麻油調傅

○陰頭生瘡蜜煎甘草末頻頻塗

○鼈甲一枚燒研鷄子白和傅

○溪港年久羸蝨燒灰傳

○陰莖生瘡痛爛者以豉一分蚯蚓濕泥二分水研和塗乾卽易禁熱食酒蒜芥菜

○菜瓜燒灰傳

○豬胞一枚連溺去一半留一半以煨紅新磚焙乾爲末入黃丹一錢摻三五次先須以葱椒湯洗

○牛啼甲燒灰油調傳

○絲瓜蓮子搗汁和五倍子末頻搽

○胡麻嚼爛傳

○外腎生瘡蚯蚓糞二分綠豆粉一分水研塗乾又
上

○陰癢生瘡紫稍花一兩胡椒半兩煎湯溫洗數次
○陰瘡濕癢槐樹北面不見日枝煎水洗三五遍冷
再煖

○硫黃傳日三

○陰瘡爛痛杏仁燒黑研膏時傳

○陰瘡作白取高昌白礬麻仁等分研末豬脂和膏
先以槐白皮煎湯洗過塗外以楸葉貼之

○妬精陰瘡鉛粉二錢銀杏仁七箇銅鈿內炒至杏
黃去杏取粉出火毒研搽

○大田羸二箇和殼燒存性入輕粉同研傳

○黃礬青礬麝香等分爲末傳

○三因四生散治癩風上攻下注耳鳴目痒鼻赤齒
浮或作口瘡下注陰濕四散搔痒通體生瘡及婦

人血風諸症白附子蒺藜擦去刺黃芪蜜炙羌活
各等分爲末每服二錢鹽酒調下一方將豬腎破
開入鹽摻藥煨癩屬宗筋胃陽明養之故有是證
○全蠍散治腎藏風發瘡痒全蠍三枚焙明硫黃二
錢研生虢丹一錢輕粉半錢鷄心檳榔一大箇破
開好黃丹一錢合內濕紙裹煨麝香少許研俱爲
細末和勻磁盒收貯每用小許麻油調抹兩掌先
以鼻臭男以兩掌揜外腎女以兩掌揜兩乳各睡

至醒次日再用

○牡蠣散治陰囊兩旁生瘡或陰濕水出其痒甚苦
夜則抓之無足後必自痛或兩腋汗脚板心汗濕
無可柰何牡蠣黃丹炒各二兩枯白礬四兩俱爲
細末夜睡時用手捏藥於痒處痛擦之不一時又
擦三四次後頓減次夜再擦雖大減又搽後自平
復腋汗亦頓搽方可脚汗先搽後裝藥靴或鞋底
脚板上塗藥裹之亦可

○銅綠散治男婦陰部濕淹瘡銅綠少許白礬一錢
乳香半錢輕粉一字五倍子細研半兩共爲細末
洗淨摻之

○洗搨散治婦人陰蝕瘡甘草乾漆各一兩黃芩當
歸地黃芍藥各二兩鼈甲五兩水七升煮取一半
去查以綿帛納湯中用搨瘡處良久易日二度每
搨可行十里許挹乾捻取甘濕散薄傅使徧經半
日又搨又傅

○浴毒湯治小腸風陰瘡痒痛木通藁本枳殼貫衆
荆芥甘松薄荷白芷共剉碎每用二兩水五升入
芷消半兩煎三升去查熱洗浴瘡

○陰瘡膏治男女陰瘡米粉一酒杯許芍藥黃芩牡
蠣附子白芷各七錢半共咬咀以不入水豬膏一
斤微火煎三上三下候白芷黃膏成絞查去內白
粉和傅

下疳瘡

○薔薇葉焙研洗傳黃花者更佳

○生白果杵塗之

○橄欖炒存性研末油調敷或加孩兒茶等分

○五倍子枯礬等分研末先以壘水洗過搽

○摘要用五倍子花椒去子炒各一錢細辛焙三分
爲末先以葱湯洗淨搽之一二日生肉

○髮灰一錢棗核七箇燒研洗貼

○蠶繭盛頭垢再以一繭合定煨紅出火毒研搽

下疳瘡
○輕粉末乾摻之結靨而愈

○孩兒茶末米泔洗淨傅或加胡黃連等分

○纂竒孩兒茶一錢真珠一分片腦半分爲末傅

○唐氏用孩兒茶一錢輕粉一分片腦一字爲末搽

○白海肥三箇煨紅研末搽

○爐甘石火煨酢淬五次一兩孩兒茶三錢爲末麻

油調傅

○駝絨灰水澄過入炒黃丹等分爲末搽之

○鷄卵殼炒研油調服

○大訶子燒灰入麝香少許先以米泔水洗後搽或以荊芥黃檗甘草馬鞭草葱白煎湯洗

○先以漿水洗後搽地骨皮末生肌止痛

○母豬糞黃泥包煨存性爲末以米泔洗淨搽

○鷄內金不落水拭淨新瓦焙脆出火毒爲研末先以米泔水洗瘡乃搽亦治口疳

○破絲網燒存性孩兒茶各等分研末以濃茶洗淨

擬三五次忌生冷房事發物

○大蘆薈丸一名九味蘆薈丸治肝火下疳潰爛或作痛焮腫或小兒疳膨食積口鼻生瘡牙齦蝕爛并蟲蝕肛門疼痛胡黃連蘆薈黃連木香白蕪荑青皮白雷丸鶴虱草各一兩麝香一錢俱爲末蒸餅糊丸桐子大每服一錢空心米飲下

○八正散治下疳便毒小便淋瀝脉證俱實者大黃車前子瞿麥篇蓄山梔木通各二錢滑石二兩甘

草一錢水煎服

○金銀花散治下疳瘡金銀花荆芥朴消蛇床子甘
松白芷檳榔各一兩每用五錢水五椀葱白三根
煎數沸先熏後洗上藥

○玉粉散治下陰瘡疼不止滑石蜜陀僧寒水石煨
各半兩膩粉麝香各少許爲細末油調傅或乾貼
○蚯蚓散治陰莖瘡蚯蚓二分豆粉一分水研塗乾
又傳一方用豉一分

○ 甘石散治下疳瘡。爐甘石、蜜陀僧各一錢，半輕粉一分，橡斗子燒灰存性三錢，龍骨半錢，麝香少許，俱爲細末。先用荆芥、杜仲、川椒煎湯溫洗，次以此少乾貼。

○ 博金散治下疳瘡。臭爛腫痛，白礬、蜜陀僧各五錢，同爲末，相和沙鍋內炮汗盡，白堊二錢，黃丹、輕粉各一錢，乳香五分，麝香一字，俱爲細末。先用槐枝、葱白、鹽、甘草熬湯淋榻洗，一二時搥乾，摻藥甚者。

三五次瘡

○勝金散治下疳潰爛或疼痛黃連黃檗輕粉銀朱
孩兒茶各五分冰片一分俱爲細末香油調搽內
服加味瀉肝湯

○洗毒湯治陰蝕瘡苦葳防風露蜂房甘草炙各等
分水煎濃汁洗

下
暗
澹

懸癱

上馬癱

下馬癱

生於纂間。前陰後陰。後陰前也。卽會陰穴。屬任脉。別絡。俠督脉。衝脉之會。起立若懸然。故名。俗謂騎馬屬足。三陰虧損之證。癱生大股內。陰囊側。左爲上馬。右爲下馬。

○清心蓮子飲。治懸癱。勢退。惟小便赤澀。黃芩五錢。黃芪蜜炙。石蓮肉去心。人葠。赤茯苓各七錢。半車前子炒。麥門冬去心。甘草炙。地骨皮製。甘草每用。

一兩水二鍾煎八分食前服發熱加柴胡薄荷

○加味托裏散治懸癰不消不潰人痿黃芪鹽水拌炒當歸酒拌川芎麥門冬去心知母酒拌炒黃蘗酒拌炒芍藥炒金銀花柴胡製甘草各一錢水二鍾煎八分食前服。

○加味十全大補湯治懸癰潰而不斂或發熱飲食少思人痿黃芪鹽水拌炒白朮炒茯苓熟地黃酒拌中滿減半當歸酒拌川芎芍藥炒各一錢肉桂

麥門冬去心五味子搗炒甘草炒各五分水二鍾煎一鍾食前服莖腫加青皮蕪加黃芩柴胡日晡蕪加柴胡地骨皮小便赤加酒製知母黃蘗小便澀加車前子山梔子

土馬癰下馬癰

○鷄內金散治穀道邊生瘡久不愈者鷄脰脰不拘多少燒灰存性研爲細末每用少許乾貼

上馬廳下馬廳

附骨疽

凡患流注。表未盡。則餘毒附骨而爲疽。在股外。屬足
太陽陽明經。在股內。屬足厥陰少陰經。又風濕折鬱。
熱結而附骨成疽。骨者腎之餘。腎虛則骨冷而遂附
著也。骨冷則氣愈滯而血愈積。但能爲腫。不能爲膿。
流注者。傷寒之餘毒。骨疽者。流注之壞證也。流注非
傷寒之罪。乃表之未盡也。骨疽非流注之過。乃涼藥
之誤也。又久得厚味。及醉後涉水。寒入髀樞。積痰瘀

血相搏而成。初時暫痛。乍寒乍熱。火則深入而不移。按之痛不止者是也。覺即隔蒜灸之。多多益善。勝金丹汗之。壯實者一粒金丹下之。日从極陰生陽。寒化爲熱。肉腐而成膿。膿成則宜烙。

○附骨疽瘡。狗頭骨燒烟日熏之。

○槲皮燒研米飲。每服方寸匕。

○蜚蠊七枚。同大麥搗傅。

○應痛丸。治走注疼痛。疑是附骨疽者。蒼朮去皮當。

歸黑牽牛草烏頭炮各一兩爲細末酢糊丸小豆
大每服三十空心酢湯下

○當歸散治附骨癰及一切惡瘡當歸半兩甘草一
兩山梔子十二枚木鼈子一枚去殼俱爲細末每
服三錢冷酒調下

○漏蘆湯治附骨疽漏蘆去蘆升麻連翹麻黃去根
節各一兩防己木香白蘇沉香各半兩大黃剉炒
一兩半每用五錢水一盞半竹葉七片煎七分入

芑消一錢攪勻去滓空心溫服取利三二行未利
再進

○貫衆湯治附骨癰生股上伏肉間貫衆地骨皮穀
精草枇杷葉拭去毛刷炙荆芥去梗蜀椒去目并
合口者各一兩水三升煮取二升和滓淋漉蘸布
帛搨之

多骨疽

足脛生疽。既潰。久而不愈。腐爛出骨者。亦名剩骨。又名朽骨。蓋因毒氣壅盛。結成。非正骨也。宜勝金丹。十全大補湯。加牛膝。防已。紫金丹。烏金散。人葠。養榮湯。加木瓜。牛膝。防已。相間服。

臙瘡

兩曲腠膀肚下。內外兩踝前有廉刃。兩邊爲裏外廉。上結癰腫。此處近骨難瘥。宜收毒散外貼。四畔中心。用活血肉藥貼。女人名爲裙風褲口瘡。薛新甫謂初起赤腫。久而腐潰。或浸淫搔痒。破而膿水淋漓。蓋因飲食起居虧損肝腎。或因陰火下流。外邪相搏而致。外廉屬足三陽濕熱可治。內廉屬足三陰虛熱難治。○臙脛生瘡。頭垢枯礬。研勻豬膽調傅。

○人乳桐油等分和勻以鵝翎掃塗

○中鰈魚三尾洗淨穿山甲二錢以長阜茨一挺劈

開夾住煨存性研末先以井水洗淨膿用白竹葉

刺孔貼之候水盡以麻油輕粉調藥傳日一次

○柿霜柿蒂等分燒研傳

○蟄汁洗拭刮虎骨末傳

○牛蹄甲燒灰桐油和傳

○莼柳槐椿棟五枝同荆芥煎湯洗拭淨以生黃臘

攤油紙上隨瘡大小貼十層以帛拴定三日一洗除去一層不一月愈

○雄鷄肫內皮洗淨貼之日一易

○陳棗核燒研摻

○溼毒脛瘡磚縫中生野園葵夏月采取晒收爲末每五錢汞粉五分桐油調作隔紙膏固圍縫定以茶洗淨縛上黃水出五六日愈

○久近脛瘡白膠香爲末以酒甌上箬葉夾貼

○黃丹飛炒黃檗酒浸七日焙各一兩輕粉半兩研細以苦茶洗淨輕粉填滿次用黃丹護之外以檗末攤膏貼勿揭動一七見效

○鹽中黑泥晒研搽

○雄黃三錢陳皮五錢青布捲作大撚燒烟薰之藥水流出數次愈

○蛙脚臙瘡乾馬齒莧研末蜜調傅一宿其虫自出

○用黃鱗魚數尾打死香油抹腹蟠瘡上繫定頃則

痛不可忍取下看腹有針眼皆蟲也未盡更作

○枯竹蛀屑黃檗末等分先以葱椒茶湯洗淨搽之

日一上

○裏外賺瘡羊糞燒存性研末入輕粉塗

○黃檗末一兩輕粉三錢豬膽汁調搽或用蜜炙黃

檗一味

○韭地蚯蚓泥乾研入輕粉清油調傅

○銅綠七分研黃蠟一兩化熬以厚紙拖過表裏別

以紙隔貼出水可愈亦治楊梅及蟲咬

○血風疔瘡生鰕黃丹搗和貼日一換

○胡粉煨過研桐油調作隔紙膏貼之一方用船上
陳桐油石灰煨過又以人髮拌桐油炙乾爲末仍
以桐油調作膏塗紙上刺孔貼之

○黃蠟一兩熔化入銀朱一兩攪攤紙上刺孔貼之

○密陀僧香油入粗盃內磨化油紙攤膏又覆貼之

○黃丹一兩黃蠟一兩香油五錢熬膏先以葱椒湯

洗貼

○官粉四兩水調入盃內以蘄艾燒烟熏之入乳香少許同研香油調作隔紙膏反覆貼之

○簡使用官粉炒過桐油調作隔紙膏貼

○廉瘡潰爛陳艾五錢雄黃二錢青布捲作大炷點火熏之熱水流數次愈

○端午午時採翻白草洗收每用一握煎湯盆盛圍住熏洗

○覆盆葉爲末用酸漿水洗後搽之日一次以愈爲度

○無名異號丹細研清油調搽濕則乾搽

○三四年馬牙匡骨燒研先以土窖過小便洗數次搽之

○竈內黃土年久者研細入黃檗黃丹赤石脂輕粉末等分清油調入油絹中貼勿動數日愈縱痒忍之

○ 廉瘡黑爛多年老杉木節燒灰麻油調傅箬葉隔之絹帛包定數貼而愈

○ 生龜一枚取殼酢炙黃更煨存性出火氣入輕粉麝香葱白洗淨敷

○ 白善土煨研末生油調搽

○ 廉瘡口冷不收熟艾燒烟熏之

○ 血竭末傅以乾為度

○ 蟾汁溫洗拭乾葱汁和輕粉傅一方輕粉五分黃

蠟一兩以粉摻紙上以蠟鋪之縛瘡上黃水出愈
○銀朱一錢千年地下石灰五分松香五錢香油一
兩爲末化攤紙上貼

○牛胞衣一具燒存性研搽

○葱鹽湯洗淨拭乾以馬屁勃末傳

○蜒蚰十條瓦焙研末油調傳

○黃芪丸治兩脇脚膝生瘡川烏炮去皮臍川棟子
地龍去土炒藁香炒杜蒺藜炒去刺赤小豆防風

去蘆黃芪各一兩烏藥俱爲細末酒煮麩糊丸桐
子大每服十五粒溫酒下鹽湯亦得婦人酢湯并
空心服

○奇妙梔子散治日久內外疔瘡山梔子不拘多少
燒灰研爲細末乳香另研各半錢輕粉少許研勻
磁器盛每用先以葱白花椒煎湯洗淨稍歇再以
溫漿水洗一次候惡水去盡又將白水煎百沸候
溫更洗瘡口無膿水血絲清水各盡粉帛片拭乾

然後傅藥乾以香油調濕乾摻瘡口實滿軟帛護之堅硬不作膿者未可用腫軟有膿者依前法再洗再傅三二次可愈乃一藥二洗之功也

○乳香散治諸疔侵蝕日久不愈下注臙瘡內外踝瘡頑瘡諸證枯礬白膠香赤石脂各半兩黃丹乳香沒藥各三錢輕粉二錢俱爲細末加麝少許瘡濕乾上乾則香油調傅

○輕粉散治下注疔瘡蝕臭腐爛疼痛不可忍者黃

槩蜜炙密陀僧黃丹高末茶乳香各三錢輕粉一錢半麝香少許共爲末葱湯洗瘡後貼之兼治小兒疔瘡

○驢蹄散治腎藏風毒下注生瘡驢蹄二十片燒灰密陀僧二錢半研輕粉一錢七麝香半錢七俱研細末以帛拭膿用些少乾摻日三四次

○琴玉膏治臙瘡瀝青一兩黃蠟銅綠各二錢沒藥乳香各一錢銅綠爲細末入香油調勻先將黃蠟

瀝青火上熔開次下油銅綠攪勻後將沒藥乳香
旋入取河水一椀傾藥在內用手扯拔勻油紙裹
看瘡大小分大小塊口嚼捻餅貼上紙封三日易
○隔紙膏治內外臙瘡當歸白芷黃連五倍子雄黃
沒藥血竭海螵消白芨白蘇黃檗厚朴各半兩黃
丹六錢乳香研二錢半輕粉一錢俱爲細末研勻
清油調成膏油紙攤傅絹帛縛定有膿水刮去再
貼數次可愈須先用燒鹽湯洗淨片帛拭乾待水

氣乾然後貼藥

四十五卷

足指生疔。重者潰而自脫。薛新甫謂因醇酒炙博傷脾。或房勞損腎。色赤作痛。自潰者可治。色黑不潰者不治。思邈謂在肉則割。在指則截。或曰惟足大指患爲脫疽。餘指患曰敦疽。易治。惟脫疽難。

○初發結毒。焮赤腫痛者。以五神散或紫河車金線鈎葫蘆金鷄舌金腦香搗爛。傅及汁塗。或用萬病解毒丸磨酢煖塗之。

末酢調塗。患處蛇傷。以刀割去損肉。以末乾搽。或

毒入於痛者除濕攻毒以隔蒜灸至不痛用十二

經消毒散加司經藥若腫勢盛緊急者宜作蛇傷

治一切疔毒

治一切疔毒已無名者速服補劑亦可救黑涎上不

○朱成若色赤嫩疔者托裏消毒更兼灸用人蔘敗

毒散去桔梗加赤牛膝銀花白芷大黃痛止次以

○未成欲成色紫不痛隔蒜灸五十壯尚不知痛又明灸之

○未成欲成大痛色赤而腫隔蒜灸至痛止更以加味荆芥敗毒散加赤牛膝銀花白芷大黃次以活命飲

○五神散搽一切瘡毒蛇傷蝎螫金線釣葫蘆紫河車各二錢續隨子去殼雄黃各一錢麝香少許俱末酢調塗患處蛇傷以刀割去損肉以末乾搽或

以唾調搽或加騎蛇獅子根葉同前搗用

○洗瘡方水苦蘼槐枝葉柳枝葉嫩柏葉小青葉連
义大青煎水浸洗

脚氣瘡

腎主於脚。腎虛爲風濕所搏。攻於脚膝。則名脚氣。因其氣血壅滯。濕毒不得宣通。故令脚上生瘡也。若風毒不散。其瘡漸增。黃水腫痛。身體壯熱。經久難差。

○漏蘆丸治脚氣腫盛生瘡。以不差膿血長流疼痛。漏蘆秦艽各去蘆。葳蕤枳殼去瓢。麩炒檳榔。川大黃各一兩。防風獨活黃芪各去蘆。黃芩五加皮赤芍藥各七錢半。烏蛇二兩。酒浸俱爲細末。煉蜜和。

搗二三百下丸梧子大每服三四十温酒送下不
拘時

○鹿茸先治脚氣腿腕生瘡鹿茸酥炙另搗成泥五
味子當歸去蘆二味爲末熟地黄搗膏等分酒糊
和丸梧子大每服三四十温酒或鹽湯食前下

○檀礬散治脚爛瘡竹蛀屑檀燒灰紅棗燒存性黃
丹白礬枯韶粉各等分爲細末摻之

○龍骨散治脚疽并久遠惡瘡他藥無效者白龍骨

二錢半研輕粉二錢半檳榔一錢研獾豬糞不以
多少新瓦上焙乾入火燒紅存性研爲細末五錢
共研勻先以口含壘水或溫鹽湯洗瘡淨見肉却
以真麻油調藥隨瘡大小傅未愈再傅三五日可
○犀角散治脚氣風毒生瘡腫痛心神煩熱犀角屑
天麻羌活去蘆枳殼麩炒去瓢防風黃芪各去蘆
白蒺藜黃芩白蘚皮各七錢半檳榔一兩甘草炙
半兩烏蛇二兩酒浸共咬咀每八錢水一大盞薑

五片煎一中盞去渣溫服不拘時

甲疽 嵌甲

足三陰經皆起于足指。氣血沮而不行。結于指甲之間。能成甲疽。凡以經絡之所流注。非特肌肉之病也。或得於前甲傷肌。或得於甲長侵肉。或得於履絢不適。使氣血沮遏。腐潰爲疽。久則爛指。上引於脛膝之間。而瘡疱者是已。至陰之下。血氣難到。或被風邪所襲。則無血氣榮養。遂成死肉。宜壯脾胃。行脛絡。生血氣。則愈。

○弩肉膿血疼痛不愈用乳香爲末膽礬燒研等分
傅之內消可愈

○腫痛用石膽一兩燒烟盡研末傅

○弩肉果趾甲膿血不瘥者用牡蠣頭厚處生研爲
末每服二錢紅花煎酒調下日三

○崔氏治甲疽黃水浸淫相染五指俱爛漸上跖跌
泡漿四起如火燒瘡日夜恠憎用綠礬石五兩燒
至汁盡研末色如黃丹每炒鹽湯洗拭以末厚傅

軟帛緩裹當日汁斷瘡乾每日一遍鹽湯洗濯有
膿處淨傅痂乾處不須近急痛者塗酥少許令潤
五日覺痂起依前洗傅十日痂漸剝盡軟處或更
生白膿泡卽擦破傅之

○婦人趾甲内生瘡惡肉突出久不愈名臭田羸用
皂礬日晒夜露每以一兩煎湯浸洗仍以礬末一
兩加雄黃二錢硫黃一錢乳香沒藥各一錢研勻
搽之

○白礬散治男女血風毒氣攻手足指生甲疽久不
瘡者白礬石膽各半兩麝香騏驎竭朱紅各一分
先將白礬石膽於鐵器內以炭火煨過入後三味
同研細每用少許乾摻瘡上以帛纏定日兩三度
○白礬散治甲疽白礬燒灰一兩麝香蘆薈蚌蛇膽
各半分研細先以漿水洗瘡乾傅日三兩次以瘡
爲度

○綠礬散治甲疽綠礬半兩燒熟蘆薈一錢半麝香

一字各研如粉絹袋盛藥納所患指紫定差爲度
○蛇黃散治甲疽腫爛生脚指甲邊赤肉弩出時癢
時發及嵌甲入肉常血疼痛雄黃半兩蛇蛻皮一
分燒同研如粉先以溫泔洗瘡軟以尖刀割去甲
角拭乾藥傅軟帛裹半日許藥溫卽易一方用漿
水洗淨以橘刺破一方有黃芪無雄黃

○烏梅散治甲疽多年不瘥弩肉膿血疼痛烏梅十
枚燒灰研末傅日三易一方用鹽梅燒灰傅爛搗

甲疽
暴亦可

○藺茹膏治甲疽日夜培增赤肉生甲邊暴甲者藺
茹黃芪各二兩苦酒浸一宿與豬脂五合微火上
煎取三合絞去渣以塗瘡口日三兩度赤肉自消
○豬蹄湯治甲疽及諸癰疽惡瘡有息肉豬蹄生者
一隻白蘇白芷狼牙芍藥各三兩黃連黃芩大黃
獨活各二兩先以水三斗煮豬蹄至一斗五升去

蹄入藥更煮至五升候溫洗瘡日三次

嵌甲

○嵌甲腫痛知毋燒存性研搽

○作痛不能行履者濃煎陳皮湯浸良久甲肉自離
輕手剪去以虎骨末傅之

○礬石燒灰傅蝕惡肉生好肉細細割其甲痛旬日
取愈

○血竭末傅

○胡荽皮燒灰貼

○蛇皮一具燒灰雄黃一彈丸同研末先以溫漿洗瘡針破貼之

○割甲侵肉久不瘥硃砂礬石爲末暴之以瘥爲度

○川烏頭尖黃檗等分爲末洗淨貼之以愈爲度

○鬼針草苗鼠粘子根搗汁和臘豬脂塗

○沙糖方治嵌甲用琥珀糖卽沙糖熬成小毬者燒存性入輕粉麝香麻油傅指甲嵌入肉者不過一

兩日自爛

○乳沒散治嵌甲用紫馬糞三塊各青布一片包於新瓦上炭火煨存性研細末每半兩入沒藥十文輕粉十文麝香少許先以葱椒湯洗拭乾口含甘草漿水吐瘡上再洗拭淨傅藥濕者乾搽乾則生油調塗初一夜極痛不過三次去根

○烏倍散治嵌甲草烏頭半兩白牽牛一兩五倍子四兩全者龍骨二錢半先將三物搥碎同五倍子炒焦黑去三物不用取五倍子爲末瘡乾麻油調

塗濕卽乾貼

○香胭脂散一名麝香散治嵌甲侵肉不差五倍子
燒黑存性染胭脂各等分麝香少許俱研細末搽
五倍子生用亦得

○雄蟬散治嵌甲雄黃通明者蟬蛻三枚酥炙各爲
細末研勻濕則乾搽乾用津入輕粉少許調塗

○乳香散治嵌甲痛不可忍有妨步履紫藤香半兩
乳香半錢古半兩錢半錢輕粉少許麝香當門子

四十五卷

少許俱爲細末每用少許先以甘草湯洗患處舊
絹挹乾然後傅藥以燈草塞之

○訶子散治嵌甲流膿經久不瘥訶子二枚降真香
青黛另研各一錢五倍子半兩俱爲末研勻先用
葱鹽湯洗淨剪去指甲乾貼或用麻油調傅

脚縫爛瘡

○ 鵝掌皮燒灰存性爲末傅桐油塗亦可

足跗癩

跗亦作趺。足面也。屬足厥陰肝足陽明胃經之會。多因濕熱乘虛而下注。

○牛黃金虎丹牛黃研二兩半龍腦生研五兩膩粉研二十五兩雄黃研飛一百五十兩白礬枯過二十一兩金箔八十片爲衣天雄炮去皮臍研十二兩半天竺黃研二十五兩天南星湯洗焙二十五兩研末用牛膽汁和作餅陰乾無牛膽用法酒蒸

足跗癩

七晝夜研俱爲細末煉蜜搜和每一兩半作十九
金箔爲衣每服一圓新汲水化下孕婦忌

○牛膝散治足蟹蚤背鷄屎子詐苑子兩面龜赤牛
膝紫金皮山蜈蚣凌霄根脫殼藤赤葛根天布瓜
根背子蜈蚣水煎入酒和服

○百草膏治脚面惡瘡如桐油浸淫延漫及一切惡
瘡不問乾濕痛痒日近年深百藥不瘥者羊糞二
三十粒留瓦四畔炭火燒烟住鉗地上以蓋覆存

四十五卷

性羅成白灰研細紗片篩去沙土麻油調敷痒入
輕粉痛入麝香少許

足跡發

足跟疽

督脉發源之所。腎經所過之地。虧損足三陽則成瘡。俗云兔嚙。蓋獵人被兔齧足跟。久而不斂。氣血溼盡。而死。婦人足跟足指腫痛。足心發熱者。胎產經行。失於調攝。虧損足三陰。虛熱所致。

○足跟作痛。熱渴體倦。小便如淋。誤用敗毒散。致頭痛惡寒。欲嘔不食。吐痰咳嗽者。此足三陰虧損。而藥復傷之用。十全大補湯。加減八味丸。各五十餘。

劑可愈

○脚跟生毒如豆許痛甚狀似傷寒者以還少丹內塞散治之稍可若不戒房欲作痛反復攻毒藥則危矣蓋足跟乃二蹻發源之處腎經所由之地瘡口不合則蹻氣不能發生腎氣由此而泄故爲終身之疾况彼瘡先得於虛復不知戒雖大補氣血猶恐不及安服攻毒暴悍之藥以戕賊乎

○婦人勞則足跟熱痛宜作陰血虛治用八珍湯如

痊後徧身瘙痒服風藥發熱抽搐肝脉洪數乃肝
家血虛火盛而生風以天竺膽星爲丸用四物加
麥門五味芩蓮冬甘草山梔柴胡煎湯送下

○婦人兩足發熱足跟作痛日晡熱甚者乃腎肝血
虛用逍遙散六味丸五十餘劑可愈

足心癰

亦名湧泉疽。俗名穿板。又名穿窟。天蛇屬少陰腎經虛損所致。

○五靈散治病穿板亦治穿掌。鷄屎子全腦香山蜈蚣脫殼藤紫金藤水煎入酒和服。

肉刺

生於足指間。形如硬胝。與肉相附。隱痛。由鞞履相摩而成。

○薰硫散治肉刺。薰陸香石硫黃等分。研勻塗上。以燒釵烙之。

○蟾酥膏治肉刺。蟾酥五片。湯浸濕。膩粉一錢。研和。令勻。先用針撥破頭。然後塗藥。蜜裹之。

○松脂膏治肉刺。松脂白膠香各一兩。黃蠟半兩。熔

膏冷貼以物紫定

○無食膏治肉刺無食子三枚肥阜角一挺俱燒令
烟盡細研以醞酢砂盆內別磨阜角如糊和末敷
之